

Na osnovu člana 104. stavI. al. 11. i 15. Zakona o zdravstvenom osiguranju(“Službene novine Federacije Bosne i Hercegovine”, br. 30/97 , 07/02 , 70/08 , 48/11 i 36/18), člana 38a. stav (3)Pravilnika o načinu ostvarivanja prava iz obaveznog zdravstvenog osiguranja (“Službene novine Federacije Bosne i Hercegovine”, br. 31/02 i 20/19) i člana 12. stav 1. alineja 14. Statuta Zavoda zdravstvenog osiguranja i reosiguranja Federacije Bosne i Hercegovine („Službene novine Federacije BiH“, broj:69/05), a u vezi tačke IX Odluke o utvrđivanju osnovnog paketa zdravstvenih prava („Službene novine Federacije BiH“, broj:21/09), Upravni odbor Zavoda zdravstvenog osiguranja i reosiguranja Federacije Bosne i Hercegovine, na sjednici održanoj dana 29.09.2021.godine, donosi

**ODLUKU
o izmjenama**

Odluke o sufinansiranju pruženih zdravstvenih usluga i nabavke lijekova

Član 1.

U Odluci o sufinansiranju pruženih zdravstvenih usluga i nabavke lijekova broj: 02/I-01-1-1572-1/19 od 23.04.2019.godine , broj: 02/I-01-1-4108-1/19 od 26.11.2019.godine, broj: 02/I-01-1-1198-1/20 od 08.04.2020.godine i broj: 02/I-01-1-3472-1/20 od 17.12.2020.godine (u daljem tekstu:Odluka o sufinansiranju) u članu 4.,u stavu 3. broj i riječ: „20.000,00 KM ” zamjenjuju se sa brojem i riječi: „10.000,00 KM ”.

Član 2.

U Odluci o sufinansiranju, u članu 4., stav 4. mijenja se i glasi:

„Jedno osigurano lice, bez obzira da li se radi o jednoj ili više različitim zdravstvenih usluga odnosno bez obzira da li se radi o nabavci/primjeni lijekova kod pružanja jedne ili više različitih zdravstvenih usluga, iz člana 1. stav1. ove Odluke, u toku jedne kalendarske godine po jednom ili više zahtjeva može koristiti finansijska sredstva kojim se sufinansiraju troškovi, u ukupnom iznosu koji ne može biti veći od 20.000,00 KM, u slučajevima preciziranim čl. 3.a. , 3.b. i 3.d. ove Odluke,a u slučajevima preciziranim u članu 3c. ove Odluke, u ukupnom iznosu koji ne može biti veći od 10.000,00 KM.”

Član 3.

Zahtjevi koji su podneseni do stupanja na snagu ove Odluke rješavati će se na način i saglasno odredbama Odluke o sufinansiranju koje su važile do stupanja na snagu ove Odluke odnosno Odluke o izmjenama Odluke o sufinansiranju.

Član 4.

Ova Odluka o izmjenama Odluke o sufinansiranju stupa na snagu danom donošenja.

Broj: 02/I-01-1-2963-I/21
Sarajevo, 29.09.2021. godine



Obrazloženje

I-Pravni osnov

Pravni osnov za donošenje ove Odluke sadržan je u odredbi člana 38a. stav (3) Pravilnika o načinu ostvarivanja prava iz obaveznog zdravstvenog osiguranja ("Službene novine Federacije Bosne i Hercegovine", br. 31/02 i 20/19) kojim je propisano da se „Općim aktima zavoda zdravstvenog osiguranja utvrđuju kriteriji, način i postupak sufinansiranja prava iz stava (1) ovog člana, kao i najviši procentualni iznos sredstava koji se može opredijeliti za finansiranje ovog prava po pojedinačnom zahtjevu u jednoj kalendarskoj godini".

Takođe pravni osnov za donošenje ove Odluke sadržan je i u odredbi člana 104. Zakona o zdravstvenom osiguranju te članu 12. stav 1. alineja 14. Statuta Zavoda zdravstvenog osiguranja i reosiguranja Federacije Bosne i Hercegovine („Službene novine Federacije BiH“, broj:69/05) kojim je propisano da Upravni odbor Federalnog zavoda odlučuje o određenim pitanjima saglasno svojim nadležnostima te , između ostalog i „raspoređuje sredstva federalne solidarnosti po utvrđenim namjenama " i „donosi druge akte neophodne za poslovanje federalnog fonda solidarnosti" odnosno „vrši i druge poslove za koje je ovlašćen zakonom, podzakonskim, općim i drugim aktima").

II- Razlozi donošenja

U Odluci o sufinansiranju pruženih zdravstvenih usluga i nabavke lijekova broj: 02/I-01-1-1572-1/19 od 23.04.2019. godine navedeni su razlozi za donošenje iste.

Razlozi za donošenje ovih Izmjena navedene Odluke o sufinansiranju su slijedeći.

Izmjenama navedene Odluke o sufinansiranju se pristupilo jer se , nakon analize utrošenih sredstava za sufinansiranje, odnosno povećanog utroška sredstava za nabavku/primjenu lijekova , iskazala potreba za smanjenjem propisanog ukupnog iznosa finansijskih sredstava koji se mogu izdvajati za sufinansiranje nabavke/primjene lijekova koji se ne nalaze u važećoj Odluci o listi lijekova fonda solidarnosti Federacije Bosne i Hercegovine ili za koje ne postoje uslovi za nabavku, a nalaze u Odluci o listi lijekova u dijelu posebni program i to sve iz razloga, jer u isto vrijeme, zbog nedovoljnih finansijskih sredstava u federalnom fondu solidarnosti postoje liste čekanja za one lijekove čije je finansiranje obaveza, te podrazumjeva se i prioritet ovog Zavoda, a sve saglasno Odluci o osnovnom paketu,Odluci o prioritetnim programima i Odluci o listi lijekova fonda solidarnosti Federacije Bosne i Hercegovine .

III- Obrazloženje pravnih rješenja

U članu 1. Odluke o izmjenama Odluke o sufinansiranju pruženih zdravstvenih usluga i nabavke lijekova (u daljem tekstu: Odluka o izmjenama Odluke o sufinansiranju) precizirano je da se u članu 4.,u stavu 3. broj i riječ: „20.000,00 KM " zamjenjuju sa brojem i riječi: „10.000,00 KM ".

U članu 2. Odluke o izmjenama Odluke o sufinansiranju precizirano je da je u članu 4., stav 4. izmjenjen i da glasi kao u navedenom članu 2.

U članu 3. Odluke o izmjenama Odluke o sufinansiranju precizirano je da će se zahtjevi koji su podneseni do stupanja na snagu ove Odluke rješavati na način i saglasno odredbama Odluke o sufinansiranju koje su važile do stupanja na snagu ove Odluke odnosno Odluke o izmjenama Odluke o sufinansiranju.

U članu 4. Odluke o izmjenama Odluke o sufinansiranju precizirano je da ista stupa na snagu danom donošenja .

IV Finansijska sredstva

Za realizaciju ove Odluke finansijska sredstva, se obezbjeđuju iz sredstava federalnog fonda solidarnosti, saglasno, utvrđenom finansijskom planu Federalnog zavoda za fiskalnu godinu, u okviru planiranih sredstava obaveznog zdravstvenog osiguranja predviđenih za program zdravstvene zaštite iz člana 1. stav1. ove Odluke, u procijenjenom procentualnom iznosu.